洄

溪

醫

案

醫鑑 袁簡齋太史作靈胎先生傳云欲來其奇方異術以埀 涧溪醫案序 鬼設之伎足以埀醫鑑而活蒼生 如獲鴻寶雖秘木而方藥不甚詳然其穿穴膏肓神施 用俟高明梓以傳世余殷望焉 而語焉未詳余甚惜之今夏吕君愼盦以洄溪醫菜 而活蒼生因倉卒不可得僅載追耕石汪令聞數 卷寄贈云得之徐氏及門金君復村者余讀之 一、羽段野发序]卯十月海昌後學王士雄 一爰爲編次竊附管

1		•		:			
		-					
	•					,	
				·			
			,		·		4

一人を対象を表する人。	詩 證	外感停食	別足傷寒	傷寒	痱	一周婶	悲風	中風	洞溪醫朱目次	
₹										

瘧瘌	痢	瘧	暑邪熱呃	暑	瘟疫	崇病	失魂	遊魂	
									イン・自ドイストラン

癃	呃	翻胃	飲癖	痰喘亡陰	痰喘	痰	畏風	長寒

血痢	腸紅	 	吐血	亢陽	怔忡	蟲痛	消	水腫	大作漢國來用次
									1. }

一個溪畔和月次	惡痘	產後腸癰	産後血歯	産後風熱	試胎	子利	船中等人	派血衝流	崩
采目次									

肺癰	對心發	發背	對口	項疽	臂疽	腿艦	腸癣	流注	
			•						100000000000000000000000000000000000000
									- 111
				•					

				筋瘤	下疳	乳癤
、洞溪醫柔目次						
次			. •			
四						

.

								- المناويين
• 1					1			
K i				1	1		·	•
			l	1		Į.	ľ	[.
		1	· ·		ļ		j	1
				1	1	·		
T '		:		1	,	[·	
			·	Ì	1	i		!
Ei (Ì		
					i .			
				'	İ			·
	·							
		<u>.</u>]	ł			
B }				i		-		
							<u> </u>	
	' i		•	l .		[]		
1	1			ľ		[·		
	,				ŧ	j		
							į į	
			•		<u>.</u>	. !		.
			'					
							1	1
	٠,				f		ŀ	. 1
	· .				}	·	[
i i	' I	ı .					ľ	Ì
							- 1	1
71 1	ŀ]		Ì	j
11 1						1		ļ
		ı			-			[
1! !							1	
	ŀ					` <u></u>	1	- 1
]]]						:	j	
1	ł		ŀ			, ,]	ļ
1: 1			Ī	;	ļ. 1	- j	1	
4. 1						Į		Ĺ
1: 1			l			_	ĺ	ſ
41 1	· .		į	i				· I
11]		•		i	1	ł	ŀ
	-		i	ı	. [- 1
	j	ļ	ŀ	· [. 1			ſ
	į		·		· . :	· •	-	- 1
1) [. •		·. 1			<i>*</i>		•
<u> </u>	1	1	•	1	ļ		ļ	· ·
-	1		•	.		ŀ	- 1	- 1
<u>-</u>		أحسيا		<u> </u>			1	

情火之劑其家許以重貲留數日余日我非行道之 涧溪醫案 而能食不服藥可也後月餘至余家拜謝問之果服 余視之其形如尸 封門金姓早立門首卒遇惡風 可貨取也固請余日 人參桂附諸品此近 吳江徐大椿著 中 風 一月美姓至 面赤氣粗目瞪脈大處以 [與其誤藥以死莫若服此三 日時醫冶風證 海昌後學王-口眼喎邪噤不能言醫 CHEST CHANGE OF COMPANY OF THE COMPA 祛風消 方也 一劑醒 趣

爲妙一 **運使王公紋揆自長蘆罷官歸里每向余言手足麻木** 經有明訓也 劑 固非以 者進参附熟地等藥煎成未服余診其脈洪大有 而全愈此正內經所謂虛邪賊風也以辛熱剛燥怕 而起竟不敢服他藥惟腿膝未健手臂猶麻爲立膏 日忽昏厥遺尿口噤手拳痰聲如鋸皆屬危 補陰滋膩治之亦謬治以辛凉佐以甘温 ア州が国際 人充實諸竅皆閉服參附立斃矣 1 證 內

調之 一月後 步履如初 山巷劉 八之疑駭也威黨莫不譁然太夫 11. | 劑而有聲五劑| 一時年纔 粒 地口噤不知人急扶歸歲朝遣 松学 囑其勿服 初五至其家竟未 プリルを記れている 四十除夕向店店 素好飲後結酒友數 加生軍 他 薬恐醫 而能言然後以 一錢為末 知其酒客 酒 秤 終年聚飲余戒 銀手 人邀 信 **介與** 藥納之 滑供 秤墜 新 以 納 主 寵 服

為形體之病能延歲月不能除根若求全愈過用重劑 終艱慥初無子病愈後連舉子女皆成立至七十 驅徑之品調之月餘而起一手一足不能如舊言語始 **华身不遂口强流烻乃溼痰注** 而卒誰謂中風之人才能永年耶凡病在經絡筋骨 傷生富貴之人聞此等說不但不信且 外任姓新正出門週友干途 作漢醫家 經傳舫之證余用點 推而仆 | 觸其 怒于 也

首条止之 補 八舌本堅 賊風也 世 **席以萬年六十** 之證豈可用猛 衣 抱危疾 重用多附病尚未 復作乖涕感恩狀余慰之 兩 餘 硬 足踏地欲作印 **泗溪醫案** 余為之治愈故信余求救 病雖愈言語不能 而 續命場 後能言百日乃 餘思風 劑其母排眾 加減醫者駭謂壯年 頭勢余一 庳 劇 ,時醫總 余診之 議 痊 驟出毋驚恐而誤 曰欲 且 脈洪 謂其毋 投温補幸 謝 余乎亟 隔 此 不 風毒 所 再 此 必

第三碗僅半頭忽埀箸亦落同坐問目醉耶不應又 骨哽耶亦不應細視之目閉而口流涎羣起扶之 則頸已 始卒此所謂人實證實養正驅邪以調和之自可永年 叔子靜素無疾一日余集親灰小酌叔亦在座喫飯 藥傷正速之死耳 氣强實之體而換火充盛耳清火消爽以治標養 氣以治本然經絡之娛無全愈之理于壽命無傷 可延也以平谈之方隨時增損調養數載年七 歪脈已]絕痰聲起不知人矣亟取主 别 問 餘

告之故曰我欲歸扶之坐興內以歸處以驅風消痰安 總名卒中亦有食厥亦有痰厥亦有氣厥病因不 神之品明日已能起惟輭弱無力耳以後亦不復發此 始不受再爟而嚥下少頃開目問扶者曰此何地也囚 以麥附等藥助火助痰則無一 不預備則 雄按資生經云有人忽覺心腹中熱甚或曰此中風 之候與治風藥而風不作夷陵某太守夏閒忽思熱 治非温補之誤舉世皆然也 一月彩醫菜 時氣不能納經絡閉塞周時而死 一生者及其死也則以為 四 如

湖 州副總戎穆公廷弼氣體極壯忽患牙緊不開不 也 若可用麥附等藥者乃脫證治法不可誤施于閉證 婦見證與太守同因服小續命湯而愈合而觀之乃 風而卒人但咎其臥水簟而用扇也暨見 知中風 由心腹中多大熱而作 也徐氏之論正與此 甚乃以水灑地設簟臥其上令人扇之次日忽思中 合易曰風自火出諺云熱極生風何世人之不悟耶 惡風 対が見するこ **澧陽老** 能

灌以熱水二 赀 房中夜 病情莫解其故因問曰此為惡風所吹公會受惡風否 我今欲用藥消公之 無之 絕粒者五日好延余治之 一个復發乎余日然乃戲日凡治皮之工皮堅則消 既而恍然曰誠哉二十年前會隨圍口外臥帳 半怪風大作帳房拔去卒死者三人我其 冰麝等藥擦其內又以大黃牙皂 下止 人生而 開 一人死我初醒口不能言者一) 頰皮也 **編縫撫其兩願及堅如革細審** 乃以蜈蚣頭蝎 子尾

烏程王姓患周痺證徧 等藥塗其外如有痰涎則吐出明晨余臥未起公啟戸 愈蓋邪之中人深則伏于藏府骨脈之中精氣旺則不 「眞神仙也早已食粥數碗矣遂進以驅風養血膏 雄按皮膚頑痺非外治不為功此因其堅 用毒烈之品也 一血氣既衰或有所威觸雖數十年之久亦有 論內外之證畫然亦所當知也 周痺 **《**洞溪醫案

所經絡 城自問必死欲就余一決家八重淚送 古法敷之搨之蒸之薰之旬日而疼痛稍減手足 乃遣歸月餘而病愈大凡營衞藏府之病服藥 **太重則恐傷其正 、病所提邪外出古人** 服 | 歷節也病在筋節非煎丸所能愈須用外治 在皆然豈不冤哉 筋節俱屬有形成丸之力如太輕則不能 風藥不驗即用温補使邪 **洞溪醫**案 必用氣厚力重之 所以獨重鍼灸之法醫 至舟中

清聲音出四肢展動三劑而病除八九調以養精盆氣 神昏手足不舉醫者以中風法治之病益甚余診之 風中風痰厥風厥等病絕不相類劉河間所立地黃飲 子正為此而設何醫者反忌之耶 淡清通之 內經所謂非證也少陰虚而精氣不續與大概偏中 郭沈又高續娶少艾未免不節忽患氣喘厥逆語濇 雄拨風藥耗營液温補實壓絡皆能助邪益痛若)劑正宜頻服不可徒特外治也 劑而喘逆定神

事矣余時欲往楊州泊舟桐涇橋河內適當其門晚欲 蘇州柴行倪姓傷寒失下昏不知人氣喘舌焦已 之品而愈介所見類中而宜温補者止此一 見余並非禁用補藥但必對證乃可施治耳 雄按古云真中屬實類中多虛其實不然若其人 宜于温補者不多見洵閱厯之言也 宜化痰清熱流利機關自始至終忌投補滯徐氏 栗陽盛過啖肥甘積熱釀痰壅塞隧絡多患類中冶 傷寒 一人識之以 一辨後

减書方與之 登舟其子哀泣求治余曰此 與病 仲景傷寒論潛心體認耳 餘而返其人已强健如故矣古方之神效如 成結胸以致聞者遂以 加減其理甚明而 刖足傷 及證俱對 一戒之日 寒 洞溪醫案 者 不必 劑不 加 不能用若不 减若病同 下則更服 、戒顚倒若此總由 **承氣湯證也不必加** 當 1 即止 逐 凡

此等證遂無人知之矣 其毒涎從大便出而以辛涼之煎劑托其未透之邪三 絡無從而出下注于足兩脛紅腫大痛氣逆冲心呼 一為發頤中為肺癰肝癰痞積下為腸癰便毒外則散 「而安大凡風寒留于經絡無從發洩往往變為癰腫 斑疹瘡瘍留于關節則為痿痺拘攣注於足脛則 寐余曰此所謂刖足傷寒也足將落矣急用外治之 蕭之蒸之以提毒散瘀又用丸散內消其痰火并化 矣此等證俱載于內經諸書自內外科各分 號

Westernament Colors

不准漢國女

外感停食

臭物虧汝等如何喫下不食不寢者匝月惟以參湯 准安大商楊秀倫年七十四外感停食醫者以年高素 封非補不納遂致聞飯氣則嘔見人飲食輒叱曰此等 立也羣問當用何藥余曰非生大黃不可衆果大駭 命而已慕名來聘余診之曰此病可治但我所立方必 服不服則必死若徇君等意以立方亦死不如竟 口姑俟先生定方再商其意蓋謂干里而至不

周全情面俟藥成而私棄之可也余覺其意煎成

入余臥所久談早膳至病者觀食自向碗內撮數粒 得寢並不瀉明日全服 日侵晨余臥書室中未起聞外譁傳曰老太爺在堂 地余披衣起詢告者曰老太爺久臥思起欲親 八所强服旁人皆惶恐無措 一醫者以老人停食不可消止 傷食惡食人所共知去宿食則食自進老少 一日何以不臭從此飲食漸進精神如舊羣以爲 一出堂中因果殼盈積乃自用帚掠開以便步履 八洞溪醫案 劑下宿垢少許身盆和第

瀉心湯主之乃以瀉心湯加減及消痰開胃之藥雨 熱 則 投以六味等藥此方乃浙中醫家不論何病必用之方 西塘倪福徵思時證神昏脈數不食不寢醫者謂其虛 得有聲准揚者以此)遂粒米不得下咽而煩熱盆甚諸人束手余診之 結成燥矢三承氣主之邪輕而無食則疑為執痰 邪留于胃也凡外感之邪久必歸陽明邪重而有食 消此等亂道世反奉為金鍼誤人不知其幾也余之 時 謟

細讀自明也若更誤治則無生理矣 而安諸 **盆甚湯飲不能下嚥:醬語脣焦改用承氣紫雪亦** 溢廣服六味等藥初夏患身熱痞脹醫投瀉心陷 等藥遂脹及少腹且拒按大便旁流小溲不 水投石延余視之黃苔滿厚而不甚 刚紫苑射干馬兜鈴杏仁厚朴黃芩用蘆根湯 虚耎不 按韓堯年年甫踰冠體素豐而善飲春間 人以為神奇不知此乃淺近之理傷寒論其在 過經熱阻氣升降 ヘードのうをするさ 不調耳以枳桔 |燥脈滑敷| 偶患 湯加 而

解燥矢而愈諸人亦以為神奇其實不過按證設法 糜六劑胸腹皆舒粥食漸加改投清養法又旬 耳 劑瞻語止小澳行一 又按今夏衣賈戴七思暑淫余以清解法治之執退 飢家人謂其積勞多虛遠以補食啖之三日後日 機關不利也以革並湯去薏苡加葉仁枳實施 餘邪得食而熾壅塞胃府府氣實則經氣亦不通 四肢腫痛氣逆衝心呼號不寐又乞余往 學派海醫第 | 劑旁流止胸斬舒三劑可進 視

郡 **冉診病者又言我魂方至房門為父親衝散今早魂臥** 言曰我因看戲小臺倒幾被壓受驚復往城隍 中蔣氏子患時證身熱不涼神昏譫語脈無倫次余 之小溲先通大便隨行三 。魂疹廟中當以肩輿達我歸如言往招明日 游魂 此游鸡舀也雖服藥必招其魂因訪招魂之 ,黃芩桔梗煎調元明粉外用葱白杵爆杯瓷堂 《徊溪醫案 日而愈 延余 廟

也 辰砂絲 悶 此失魂之證不但 不食昏倦不寐余視之 失魂 為母親鹽被掉落个不知所向矣咆哮不已余 無憂也我今還汝因用安神鎮魄之藥加猪 振西壁鄰失火受驚越數日 刨 帛包裹懸 神合果 風寒深 藥罐中煎服戒曰服藥 劑而安調理而愈問之俱不 題作 寒暄語而神 「而病發無大寒熱 寢 不接 驚

亦不可用重劑以煎方祛邪以丸散安神 一歲除劑與半月之藥而歸至新正元宵始知身在臥 謝候余山中且 自頂及肩膿泡數千惟神不昏憒毒未攻心尙 間問前所爲俱不知也至二月身已健同其弟元若 曰張君危矣余起視之頭大如斗脣厚寸餘 諸法並 玉枕疽也大險之證此地乏藥急同之 用其弟不能人留先 |日我昨晚腦後起 護心藥權之 歸明晨我干大 一瘰微 毋令毒氣攻 痛余視之 可慚復時 歸 人驚呼 外提

能食竟不成疽瘡口僅 一日而出毒水斗餘至晚腫漸消皮皺 **兴**運 不寐余診之六脈細 愈 劑從內托出外用 醫者 八九矣凡病有留邪而)臺夫人 患悄證畫夜食粥數十 故其家未信忽 則鮮能治之也 如錢大 不倫 日僕婦晨起入候 數日結 無出路必發腫毒患 不清爽余日 **痂其弟聞信** 明日口 碗氣逆 此 見州/

趨至魂堅執其辦仍返房見已身臥床上唐君撫之魂 魂卽隨出徧厯飃堂廊廡及平昔足未經行者遇唐君 服余藥未甚效一 人曰此女常臥我牀内以此不能成寐而煩渴欲飲耳 聘室也未成婚而 卒卒之時囑 其父毋謂吳郎必顯貴 逐 唐君悔生也臥室遼隔呼之不能聞女僕私啟門邀之 來切不可啟門啟門則我魂必走出三舅爺者卽其弟 歸附于身問所寓目皆不爽細攷所見之女乃運臺 死須懇其血食我而葬我于祖墓運臺服官後未暇 一門等等多 一夕夜將半病者大呼曰速請三舅爺 The Theory of the Continue State of the

焉歸即狂言昏**昌舌動如蛇**稱蛇王使二女僕 墓立位而配之可也運臺依余言以行然後服藥有功 辦故為吳運臺謂余曰君言有為県者效果驗眞神 问里朱翁元亮僑居郡城歲初其媳往郡拜賀其舅舟 婁門見城上 將何以慰之余曰鬼有所歸乃不爲厲公當迎柩 病根永除矣 県病 門作的實質 一蛇王廟俗云燒香能免生瘡腫因往 九遣老嫗灌之病者言此 男僕

隨眾往看急以紫金錠搗爛水灌之而醒明日又縊 係毒藥必不可脫含藥噴嫗遍亦小不省人事舌伸頭 家巷周宅看門人之妻縊死遇救得甦余適寓周氏 及通靈之藥木能奏效 凡鬼皆以硃砂為火也次日煎藥內用鬼箭羽病者 以消痰安神之品月餘而愈此亦客忤之 作蛇形另易 男使又被射死矣鬼以鬼箭為矢也從此漸 以前藥權之因詢其求死之故則曰我患心 、則妥學和 一人灌藥心病者言 The second state of the 女使被燒死 類也非金

得志遂得奇疾日夜有人屬之開聲而不見其形其屬 **炵甚有老** 即嘴余藥噴之婦依余言嫗至日 耶詈鳥而去其自述如此蓋紫金錠之 李鳴古性誠篤而能文八分書為一 一矣余曰此縊死鬼次痛亦由彼作崇今後若 此嫗今安在則曰在裏牀視之無有則曰 嫗勒我將繩繁頸 ソードサゴン 心心恨於日 不寢不食多方曉之不喻 則痛除矣故從之非求 爾口中何物欲害 **時冠家**貧 相

爲我 辨愈疑惟埀首浩歎兩 **仕某處竟日安得來此** 動我猶 八罵我耳余日此卽病也不信小山喻之曰子之學 瘟疫 品人人欽服豈有罵汝之人耶李變色泣下曰他 叔何小山先生甚憐之同余往診李口我無病 一年崑山瘟疫大行因上 日即世权也何今日反來面訣耶小山云我昨 可世叔亦來勸我則不情甚矣昨日在間 不何戾醫案 已卒以憂死 且汝間壁是誰家我何從 年海嘯近海流民數萬 走 八愈

皆死於崑埋之城下至夏暑蒸尸氣觸之成病死者 藥與證相反余仍用輸法察之歸後有葉生爲記姓 愈者二十四死者止三人叉皆為他醫所誤者因知 根等藥兼用辟邪解毒丸散進之漸知人事因自述 濟語出而求治者二十七家檢其所服皆香燥升提 至崑時懼應酬不令人知會翁已愈余將歸矣不妨施 定余以清涼芳烈如鮮菖蒲澤蘭葉薄荷青蒿蘆根茅 人汪翁天成亦染此證身熱神昏悶亂煩躁脈數 一時所愿之境雖言之鑿鑿終虛妄不足載也余始

者皆枉凡治病不可不知運氣之轉移去歲因水溼得 邪燥火之證耶 化隨機豈可執定往年所治祛風逐溼之方而以治瘟 **病溼甚之極必兼燥化內經言之甚明況因證用藥變 方不知此方雖名敗毒而羣集升散之品凡温邪** 雄按風溼之邪 禁例阶氏論疫主以解毒韙矣而獨表彰敗毒散 不削溪醫案 即死用者審之 經化熟卽宜清解温升之藥咸在

余寓郡中林家巷時值盛暑優人某之毋忽嘔吐厥! 皮色未變此暑那閉塞踏竅未即死也爲處清暑通 戀生甚故氣不卽斷盍求 舟適有病人氣方絕欲往震澤買棺乞借 時值亢旱人忙而舟亦絕少余欲歸不能惟鄰家有 同學趙子雲居太湖之濱患暑痢甚危留治三日而愈 老嫗指余日此卽治趙某病愈之人也今此婦少 病家以情不能卻借舟以歸越數日子雲之子來詢 一劑而有聲一 劑能轉側三劑起矣 診余許之脈絕而心尙 日不許有

逆上諸竅皆閉非芳香通靈之 服煎劑而全愈此等治法極淺極易而知者絕少蓋 **那劑灌之卽使中病亦不能入於經竅况又誤用相** 服清暑通氣之方明日余泛舟游虎阜其室臨河 暑邪閉塞諸竅耳以紫金錠二粒水磨灌之 于余余因近鄰往診以箸啟其齒咬箸不能出余日 形如尸而齒噤不開尸 一能起死回生乎 一、阿奚醫案 一彷彿病者歸訪之是夜黃昏卽能言更 辦後事矣居停之僕怨優求)藥不能即令通達徒 七

其前欲啖之 用前方煎成未飲余至 蘆塘迮耕 來載我越三 陽越之證將大汗出而脫急以參附加童便飲之少 入咽卽危命以西瓜啖之病者大喜連日啖數枚更 而未識人也余以事往郡戒其家曰如醒而能言 以清暑養胃而愈後來謝述昏迷所見有 石暑熱壤證脈微欲絕遺尿譫語尋衣摸 即寒冷入骨一小兒以扇驅之 日來請逐往果生矣醫者謂前藥已效 I熬爾三 |霹靂奈我何小兒日再加 一日陽已囘火復熾陰欲竭矣附 一次不

劑須臾目與能言再飲以湯竟躍然起故張柳吟先 啟後人之疑序事不可不慎此類是矣 **氣短醫者仍作熱證治余日此卽刻亡陽矣急進參** 雄按袁簡齋太史作靈胎先生傳載此案云先投 履和之子介堂暑病熱極大汗不止脈微肢冷面赤 因西瓜有天生白虎湯之名而袁氏遂下 以爲再飲之湯當是白虎湯今原案以西瓜啖之 西瓜則伏暑何由退其言皆有證據亦奇事 如黑人惶恐而退余曰附子古名霹靂散果服 イオリシの生りまし 湯字致

證乃熱病所變因熱甚汗出而陽亡苟非脈微足冷汗 許心一之孫倫五病形無異余亦以參附進舉室皆疑 出舌潤則仍是熱證誤用卽死死者甚多傷心慘目此 駭其外舅席際飛篤信余力主用之亦二劑而復但此 劑而汗止身温得寐更易以方不十日而起同時東山 雄按舌潤一 有不自信而嘗試之理死則願甘償命乃勉飲之一 ,非有實見不可試也 一字最宜切記

服 根諸清凉滋潤之 藥得法或尚有生 痊 下又香燥之 進以 里欲從烈日中擡歸以待斃余日 而能轉側一 THE CHARLES 一一丹隨以黃連香薷飲兼竹葉石膏湯加 氣薰爍津液厥不 思暑熱之 品徐 機若更暴於烈日之中必死於道 日而身和能食稀粥 徐灌之 古焦目 證服 藥旣誤 裂矣則用 知人舌焦目 夕而目赤退 此證固危然 而樓小向 裂其 家調 西

准 浮雕李

如用紫雪而香薷亦可議 也

煩躁昏沉聚諸汗藥終無點汗余曰 熟席湘 北思暑熱證已 一十餘日身 |熱極津枯汗 如熾炭手不

门遊

潤清芳之品三

一劑頭先有汗漸

及手臂機

何

刨 遍身而熱解蓋發汗有二法溼邪則用香燥之藥發 以去溼燥病 而醫者茫然可慨也 則用滋潤之藥滋水卽以作汗其理

洞庭後山 [席姓者暑 厥也余謂其父曰邪氣充寒逼 內結厥並如尸惟身未冷脈尚

共諸竅魂自返耳先以紫金錠磨服後用西瓜蘆根 延余診視脈微而躁膚冷汗出 不能盡述其理固然非好言怪也 則日 門襲孝維 忽聞香氣撲鼻漸知身在室中有一人 相并乃 我坐 打汁時時灌之 能 石詢 患熱病忽手足拘攣呻吟不斷瞀亂昏 開目視物矣新廟者前山往後山必由之 新廟前大石上 ゴリスス かずれる 兩家老嫗童子俱實有其事此類甚 ||三日見某家老嫗某家童 兩夜納一 [陽將脫矣急處以参附 一大碗而漸甦 臥床上 : 我 問 與

沙沙洛曼多

處 以消暑養陰之方而愈 余違眾服之身稍安明日更進 親戚滿座謂大暑之時熱病方劇力屏不用其兄素 劑漸甦能言余! 乃

餅過多回至閶門叉觸臭穢痧暑夾食身熱悶亂延醫 郡 中友人 、蔣奕蘭氣體壯健暑月於親戚家祝壽喫湯

治之告以故勉用輕藥一劑亦未能中病也况食未 而暑未退豈能 一劑而愈明日復診曰服淸理而不 愈

醫冶之日 1此虛極矣更重用參附明日熱冒昏

則必虛矣卽用參附是夕煩躁發昏四肢厥冷復延

為壞證不治進以參附等藥呃益甚余日此熱呃也呃 **時得息叉傷親故多遭** 冊廣送諸人冀世人之或悟也 **余柱唁之傷心慘目囚念如此死者遍地皆然此風何** 雄按慎疾芻言今罕流傳海豐張柳吟先生加以 語改題日醫砭欲以砭庸流之陋習也余已 暑 邪熱呃 一俊者暑月感冒 一一四天路天 此禍歸而作愼疾芻言刻印萬 邪留上焦神昏呃逆醫者以

熱者逆 清降之品飲之 謂之冷呃而概從寒治無不死者死之後則云凡呃逆 囑相好尤君在涇日此熱呃也君以枇杷葉鮮蘆根等 備者年七十時邪內陷而 漸止 因由于虛寒並從臍下而起其根在腎爲難治由 一焦合食西瓜羣醫大譁病者聞余言即飲食食之 進以清降之藥二 止在胸臆間其根在胃為易治輕重懸絕世 ,知無病之人先冷物後熱物冷熱相 必愈尤君依余治之亦痊蓋呃逆本有 一劑而諸病慚愈又有感沈 呃逆是時余有揚州之行乃

葉氏之招便道往唔佩芳出診色天脈微而動易出汗 洞庭姜錫常長郞佩芳體素弱而患久瘧時余應山前 **鸤其父子猶未全信姑以西洋參三錢偕附子飲之 余駭日汝今夕當大 亦可呃逆不治自愈入所共見何不思也** 瘧 脱適余偶帶 一鼓叩門豎甚急啟門而錫常以肩輿來迎 八汗山而亡陽灰急進参附或可挽 人參錢許同附子童便灌入 八猶賴服過参附

崇明施姓遷居郡之盛門其子忠暑毒血痢晝夜百 兩 **小但談治必死卽治之稍遲亦不及挽囘養生者醫 仃痛苦欲絕嘉定張兩亭其姻戚也力懇余診之余日** 八矣明日再往神淸氣爽面有喜色余有事歸家約 一熱毒瘤結治之以黄連阿廖等薬 可不知也 月而後起坐上工治未病此之謂也如此危急之證 瘌 一勝囘始知人事然猶聞聲即暈倦臥不能起者 服而去十之

疑之辭出有二醫者八門因託雨亭訪其故其父因· 重矣余心疑之問其父曾服他人藥否隱而不言余甚 不至延郡中名醫仍進以人參乾薑等藥給病者曰 病者怒目視余問以安否厲聲而對日 日重來歸後遇風潮連日行舟斷絕 版者此地名醫而藥則用徐先生方也 尤禁不與因給其童取并水嗽口奪盆中水飲其半 **翔益增故恨余入骨耳豈不免哉又聞服薬之後** 出火欲啖西瓜醫者云痢疾喫西瓜必死欲求涼 曰用得好藥病益 一日後 泛服而痛愈

一派孫醫案

號呼兩日而死近日治暑痢者皆用傷寒論中治陰寒 臟之寒痢法以理中湯加減無不腐臟慘死甚至有 竅流血者而醫家病家視為一 定治法死者接踵全

東山葉寶倫患五色痢毎日百餘次余悉治痢之法治 五六日疾如故私竊怪之為撫其腹腹內有塊大

知悔最可哀也

濃垢斗許置烈日中光彩眩目以後痢頓减飲食漸進 再採其小者不可執持亦不能消痢亦不全止合其不 儼若葫蘆形余重採之大者裂破有聲暴下五色

熱炉炭隨下血痢百餘次委頓無生理因平日相契不 後塊消痢止 必專力治之 正足自能驅邪但各有法度不可并邪亦補之耳 東山姜錫常氣體素弱又思瘧痢每日 百人原有此說但元氣已虛不可驟消惟養其胃氣使 | 共痢俱用凊和切病之 瘧痢 朝夕診視爲分途而治之寒禦其寒熱淸其熱 一大抵積滯之物外則成棄成癖凡病皆然 性以開胃消積之 同笑聲素 一品以時消息而最重者 品稍稍調之三四月而 盂 發寒如冰而

洞庭 保其胃氣無使生機又絕經云食養盡之無使過之傷 明嗣後小病皆自治之 (補余日寒:熱未止必有外邪血痢未清必有內邪 則邪留不去如此虛人 服附子數十觔而寒愈劇初冬即四面環火綿 也諸證以次漸減而愈或謂如此大虛何以不用 畏寒 一機漸達乃爲良策錫常亦深會此意而醫理 人患寒疾有名醫進以參附日以爲常十年 アイア・グードラミニ 所謂三折肱者也 可使邪氣日增乎去邪毋

幾重寒慄如故余曰此熱邪併於內逼陰於外內經云 熱深厥亦深又云熱極生寒當散其熱使達於外用蘆 理而更進以熱藥則熱併於內寒併于外陰陽離絕 **处死之後人亦終以為陽虛而死也** 如火燒服寒涼得少減旣又遍體及頭面口鼻俱生熱 **衣常服養陰之品而身温逾年附毒積中者盡發周** 數兩前清凉疎散之藥飲之三劑而去火十劑而減 年乃復以後年隬高而反惡熱與前相反如不知其 下體俱腐爛膿血淋漓余以外科治熱毒之法治之

嘉善許閣學竹君夫人抱疾醫過用散劑以虛其表 效閣學謂見日必有風奈何曰姑去其瓦令日光下射 臥室見窗槅皆重布遮蔽叉張帷于牀前煖帳之外 以擅單診其脈微耎無陽余曰先為藥誤而避風太過 八與天光不相接見微風則發寒熱而暈延余視余一 氣不接衞氣不閉非照以陽光不可且曬日中藥 劑以固其邪風入營中畏風如矢閉戸深藏者數 畏風 (汇) 醫案 周

温補治之 **嘉與朱宗周以陽盛陰虧之體又兼痰凝氣逆醫者 鰵皆閉笑謂之日此爲肝腎雙實證先用淸潤之** 無治就余于 氣固則反樂于見風此自然而然不 漸愈明年關學挈眷赴都舟停河 雄按論證論治可與戴人頡頏 灰 風臨水窗候脈余甚畏風而夫人不覺也蓋衞 〉胸膈 ,山中余視其體豐而氣旺陽升而不降 回奚黯柔 否塞而陽道痿羣醫謂脾腎兩虧將 可勉强也 邀 余定常服方 諸 恐

孕得一 滋腎强陰之味鎭其元氣陽事即通五月以後妾即懐 陰清火膏丸為常饌一或間斷則火旺隨發委頓如往 石膏以降其逆氣後以消痰開胃之藥滌其中宫更以 日之情形矣而世人乃以熱藥治陽痿豈不謬哉 黎苔黃不渴溲赤便難以二陳去甘草加沙參竹茹 脘疼欬逆嘔吐苦水延余診之脈弦耎而滑形瘦面 雄按今秋藩庫吏孫位申積勞善怒陡然自汗凜寒 女又一年復得一子惟覺周身火太旺更以養 「爲劑渠云陽痿已匝月矣恐

身强如尸舉家以為萬無生理余入視時俱環而泣 診畢又按其體偏身皆生痰核大小以干計余不覺 笑泣者盡駭余日諸人之泣以其將死耶試往府中借 蘇州府怡東首楊姓年三十餘以狎游私用父千金父 庭責之體虛而兼變怒先似傷寒後漸神昏身重醫者 人参旬日陽事即通諸恙若失 為純虛之 一一回美醫院 服逆平痛定嘔罷汗止即能安穀原方 一證惟喜峻補每日用人参三一錢痰火愈結 ·凉藥余日此陽氣上升為痰所阻而不 三

惶色余曰無恐不過八交錢買蔔子為末耳尚有服賸 大板重打四十亦不死也其父聞之頗不信曰如果能 起現今喫人参費千金矣當更以干金爲壽余日此 余適至戲之日君服人參千金而幾死服余末藥而愈 **而行動如常其時牡丹方開其戚友為設飲花前以賀** 本可不償平其母舅在旁日必當償先生明示幾何 口增病之藥值干金去病之藥自宜倍之病者有驚 方佐以末藥一 人余無此例也各盡其道而已立清火安神極 股三日而能言五日而能坐

痰邪所凝成者半載方消邪之不可留如此幸而結在 盾膜若八贼则死已久矣 皆以爲虛補劑備施竟無效徐月巖囑其凂余視之 **脈禍而長妻女哀求慮其暴脫余曰將塞死矣何脫** 雄按今夏劉午亭年六十三歲久患痰喘自汗羣醫 之云與導痰湯加旋覆海石澤瀉白前一 取視之果蔔子也相與大笑其周身結核皆補 題門始平匝月而愈繼有顧某年五十六歲肥 飲而減七

矣是時有常州名醫法丹書調治無效延余至余日 松江王孝賢夫人素有血證時發時止發則微嗽又因 **顾昌變成痰喘不能者枕日夜俯几而坐竟不能支持** 等藥可用乎余日 小靑龍證也法曰我固知之但弱體而素有血證麻 滑不調以清肺滌痰治之而愈旋以茯苓飲善其後 為虛也屢補之後氣逆欲死速余視之苔黃溲赤脈 痰喘 多痰因啖蓮子匝月漸覺不饑喘逆自汗無眠以 八洞候醫案 [急則治標若更喘數日則立

怡其新病愈後再怡其本病可也法 咎君不以醫名我不與聞君獨任之可也余曰然服之 **余則不欲以此求名故毅然用之也凡舉事** 有害我自當之但求先生不阻之耳遂與服飲畢而 就枕終夕得安然後以消痰潤肺養陰開胃之方以 知之 ,調之體乃復舊法翁頗有學識並非時俗之醫然能 無治而恨麻桂殺之矣我乃行道之人不能任其 3 不能行者蓋欲涉世行道萬一不中則謗聲隨 ~治本病 ノナラスのというという 而死死而無怨如用麻柱而 日誠然然病家焉 11.11 死則不咎 氣

闗 醫在座執筆沉吟曰大汗不止陽將亡矣奈何非 麻柱不 熟地乾薑不可書方而去余至不與通姓名俟其去 州沈母患寒熱痰喘兇其壻毛君延余診視先有 心卽不能大行我志天下事盡然豈獨醫也哉 **青龍為冶案中云感昌是感昌風寒設非風寒之** 按風寒外東飮邪內伏動而爲喘嗽者不能舍小 **診脈供大手足不冷喘汗淋漓余願毛君曰** 亡陰 可擅用讀者宜有會心也 作得醫多

洪汗熱不粘手足温和而舌乾但亡陰不止陽從汗出 **浮麥半合大棗七枚煮湯飲之可也如法服而汗頓 晕髮乃舉世更無知者故動輒相反也** 為立消痰降火之方一 雄按吳馥齋令姊體屬陰虧歸沈氏後余久不診 薬宜熱 脱卽爲亡陽然當亡陰之時陽氣方熾不可 一則脈微汗冷如膏手足厥逆而舌潤 飲其陽氣不可不知也亡陰之藥宜涼力 / 回奚豬足 或相反無不立斃標本先後之間辨 |劑而安蓋亡陽亡陰相似 E 則 刨

觀察毛公裕年屆八旬素有痰喘病因勞大發俯几不 其廓清上 絳而乾非肉不飽日此痰火為患也不可以音嘶脇 養陰善後病者云前進補時體頗漸豐而腰間疼脹 夏延診三嗽猶不愈及往視面汽色赤脈渦不調 致補盆加峻致釀為徧體之痰也 痛遂疑為損怯之未傳子清肺化痰藥為丸噙化使 年聞其久嗽服大劑滋補而能食肌充以爲愈矣今 一撫摩嗽卽不已自疑爲痰而醫者謂爲極虛 一膈果膠痰漸吐各恙乃安其形復痩始子 が一名の西西ラス

能 增盛惟作塊則疹性未發而清肺之藥已得力過腹 而喘逆愈甚後延余視述用去年方而病有加余日 非以参和人藥中耶日然余曰宜其增病也仍以参作 队 徐君學問之深固不必言但人参切塊之法此則聰 人参性始發病自獲痊此等法古人亦有用者 服之亦可 人以此衔奇耳後歲餘病復作照前方加人参煎入 **清肺消痰飲送下人参小塊** 劑而愈蓋下虛固當補但痰火在上 果家驚惶延余視之余日此上 一周奚雪爷 一錢三劑而愈毛 一實下虚之

不知耳于是羣相歎服 去冬、因勞患喘迄今春兩旬不能臥顧某作下喘治 **参不**人所欲其下達與 丸藥 噙化欲其上戀皆有妙 者余治方嘯山今秋 思痰喘汗 多醫進清降藥數劑 病盆甚又旬日迓余視之脈弦滑苔滿布舌邊絳 義用藥者勿以一前方為了事也又有虛不在陰 冬温薄肺失于清解耳子輕膚蕭化藥治之而痊至 雄按痰喘礙眠亦有不兼虚者黃者華年踰五旬自 **遂便塘肢冷不食礙眠氣逆脘疼面紅汗冷余診** | いれた医子う

洞庭席載岳素肠下留飲發則大痛嘔吐先清水後黃 再後吐黑水而兼以血哀苦萬狀不能支矣愈則復 余按其腹有塊在左脇下所謂飲囊也非消此則 粥卽嘔以六君去甘草加厚朴杏仁薑汁川連蓋 **巳叉治願某體肥白脈沉弱痰喘易汗不渴痰多啜** 過去生薑加乾薑五味人 虚痰滯也投七果痊 飲癖 無神苔白不渴乃寒及上 旭溪醫案 八参厚朴杏仁 一實腎陽下虚也以眞武 劑知二 齊! 中

意投以大劑 **队則膊間有氣下行至指而惕然驚寤余謂氣變飲** 此病極多而醫者俱不知雖輕重不 停治以通降適渠將赴都自慮體弱有醫者迎合其 雄按今夏江陰沙沛生鹾尹忠胸下痞悶腹中聚 治三月而畢塊盡消其病永除年至七十七 法當外治因合蒸藥 以艾火蒸之日十餘次蒸至三百六十火而 服寒熱時作復延余診按其心 温補初若相安旬日後神呆不語目眩 料用麵作圍放藥在內 而蒸法為要 丽

嘉典朱亭立曾任廣信太守向病嘔吐時發時愈是時 吐不止粒米不下者三日醫以膈證囘絕其友人來邀 其家深信有年旁無掣肘凡通氣滌飲清絡舒肝之 溼有聲 環臍左右 塊己 劑調理三月各恙皆瘳 **善從此遂成知已** [此翻胃證非膈證也膈乃胃腑乾枯翻胃乃痰 一輕重懸殊以半夏瀉心湯加減治之 《何奚醫案]每因飲食無節時時小發且| 圖製洞赤苔黃脈弦而急幸 漸能進食

數也 前血汗滿地駭問故亭立己不能言惟埀淚引過作泣 其方覺强旺加餐余謂此乃助火以腐食元氣必耗將 家謂 有熟毒之害亭立笑而腹非之似有恨不早遇此醫之 之態而已蓋血涌斗餘無藥可施矣天明而逝十 飯如是數年非余方不服甚相安也後余便道過其 一兩月遣 **余日我遇武林名醫謂我體虛非參附不可今服** 一朝天下之服熱劑而隱受其害者 人連夜來迎卽登舟抵暮八其寢室見牀 /なずりで 単下し

蟲積食之皆洞腸而死者舉家驚喜以爲病愈余日 婁門范昭素患翻胃粒米不能入咽者月餘胸中如 也姑以粥與之連進一 餘枚長者徑尺短者二寸色微紫其腸俱空乃藥入而 未藥佐以硫黃三劑後吐出瘀血半甌隨吐蟲一 雄 了動余日此蟲膈也積血所成舉家未信余處以開 為歎息 按服温補藥而强旺加餐病家必以爲對證矣而 知隱受其害哉更有至死而猶不悟者目擊甚多 回奚路矣 一碗全然不嘔更覺寬適頃之 員 有

救 也辭不復用藥不旬日而卒

呃

郡 中陸某患呃逆不過偶爾胃中不和挾痰挾氣世俗 **呃也不治自愈非若病後呃逆有虛實寒熱之** 死也陸乃膏粱之 人從未患此遂大懼延

死舉家驚惶 术等藥痰火凝結 余診視之不覺 而 胃絡塞呃遂不

醫者

感

云此必大虛之體所

(無病

見此

卽

非命耶。 僕素相熟偶遇于他所問其主人安否因述其故余 則幾死我以一劑救之何以蹈覆轍曰眾論紛紛謂 一越一月呃又發仍用前日諸醫治之 雄拨吳雨峯大冷年七十 劑即愈矣以瀉心湯加旋覆花枇杷葉果 問故余日不意近日諸名醫昌昧至此此非病 不錯直至臨死時欲來敦請已無及矣嗚呼豈 捅舌色乾紫無苔稍呷湯飲小溲即行不食 洞溪醫案 歲今秋患感發熱而 數日而死其老 **一** 劑而

學旨後金汝玉忽患小便不理醫以通利導之水愈聚 不減人皆謂高年病後之虚呃議用鎮補余日此氣 為恢阻升降失調得食不舒平時無嚏是其徵也授 以根枯湯加養薤菖筎橘半柴胡果一劑知一 飲洩赤便閉呃忒頻來舉家皇皇余曰無恐也便行 輕肅宣儒之劑熱漸緩脇漸舒而舌色不潤仍不喜 即止疾輸二日連得暢解脈靜身凉舌色有津呃仍 不便脈洪且數余知其平素津虛脾約氣滯痰凝連子 一剤日

能下而及增其水余回此因溺管閉極不能稍通也以 消腸管稍寬再以藥場洗少腹而擠之蓄腸涌出而全 發腫藥浴之使獨器大腫隨以消腫之藥解之一腫 随矣此無法用表法也 利米藥內服交煎利水通氣藥使坐湯中合人揉擠之 而務意益塞腹脹欲裂水氣沖心即死再飲湯藥心不 刻矣就柔山中求冶余以鮮車前根搗爛敷其腹用諸 太濱某未便閉七日腹脹如鼓傴僂不能立冲心在頃 ノアッシュをするブ

滿腹寬身直徜徉而去。 **顺庭唐君縣飛彩體壯實喜飲善啖思水腫病先從** 在失傳所以主難療一余所治皆愈而復發遂至不 。針之水從鍼孔出則稍寬鍼眼閉則復腫內經有刺 病之法其吳有五十七叉須調養百日且服閉藥而 維挨雨外治法貨炒 及編身腰滿腹脹服利水之藥稍快旋即復腫用 因病者不能守法亦由醫治法不全耳惟皮水風 加省署艺

年而愈 常熟汪東山夫人 以清火消痰兼和中開胃調之病情屢易隨證易方 郡中葉天土治以鳥梅木瓜等藥斂其胃氣消證少 薄粥二十碗而溲便不異常人此乃爲火所燥也先延 煩悶贏與文食無味余謂此熱痰凝結未有出路耳 蟲痛 消 一時之 聯病驅風利永無不立愈病固各不同也 八患消證夜尤甚每夜必以米二升煮

一回奚醫素

不能 者徑尺紫色餘長短不齊淡紅色亦有白者自此而大 **痛不復作小痛未除蓋其窠未去也復以殺蟲之藥兼** 脈参錯無常余曰此蟲痛也貫心則死非煎藥所能愈 蘇州黃四房女年十二患腹痛愈醫愈甚余偶至其家 合化蟲丸與之痛稍緩忽復更痛吐出蟲二十餘條長 **昏厥一夕方甦舌倶咬破流血盈口唇白而目猶直視** 安胃補脾之方調之而蟲根遂絕蓋此證甚多醫者 知惟認爲寒與食卽以爲蟲又無殺蟲之方在精 旺者久能自化其不足者變爲丁奚勞怯痞臌等 100 mm

最劇者以明治法 證至死而人不能知亦可哀也余治此證不三姑舉其

州蔣公諱斌之孫患心腹痛上及于頭時作時止醫

避或在周身皮膚之中或在頭中按之如有蠕動往來 葉罔效向余求治余日此蟲病也以殺蟲之藥蟲卽遠 象余用殺蟲之藥為末調如糊到處敷上而以熱

熨之蟲又逃之他處隨逃隨敷衝次平安而根終不

遂授方令歸越三年害來云蟲根終未盡但不甚爲害 耳此真奇疾也 人间奚路条 長

能剋火則心振荡不能自主使各安其位則 歡然不厭蓋心爲火藏腎爲水藏腎氣挾痰以衝心 其涎以安神之藥養其血以重墜補精之藥納其氣稍 就醫診視見二女僕從背後抱持二女僕編體敲摩 即暈持厚聘邀余余以老毋有恙堅辭不往不得已來 淮安巨商程某母患怔忡日服参术峻補病益甚開聲 太無恐吾儕俱在也猶驚惕不已余以消疾之藥去 **寢牛月餘驚恐全失開船放炮亦不為動船擠喧** 怔忡 ハーマリ田田エニ

遠來就余余以消痰補心之品治其上 治其下數日而安此與程母病同而法稍異 長與趙某以經營過勞其心患怔忡證醫者議論不 姻戚殷之晉年近八旬素有腸紅證病大發飲食不 小腹高起陰囊腫亮昏不知人余因新年賀歲候之 痰誤服補劑水溢而火受剋之證 不甯侵犯天君之證不得混淆也 亢陽 |相濟自然之理也 肥溪醫系 一滋腎納氣之 則心血虛耗 无 則氣體 進

陰囊于上袋溼而囊腫消飲以知母責柏嶌腎之品越 爲戲言翁曰君眞神人也我嚮者館穀京師患亦相 辦後事余診其脈洪大有力先以竈灰石灰作布袋置 視之則其子扶病者至在座無不驚喜同問余曰何以 此旣不可以告人亦無人能知之者言畢悽然淚 用伐腎之藥而愈余曰此所謂欲女子而不得也眾以 人以爲無生理也遂送我歸歸旬日即痊今妻妾盡 一獨處十餘年貧不能蓄妾又恥為苟且之事故病至 日余飲于周氏周與至戚相近半里忽有叩門聲啟

此不通音問者三四載一 磚灰等物鄉城往返因勞悴而大病發握手涖别謂難 再會矣余是時始合瓊玉膏未試也贈以數兩而去自 平望鎮張瑞五素有血證歲辛丑余營葬先君託其買 通于六經之理與岐黃之與者不足與言也 閱五年而卒蓋人之氣稟各殊亢陽之害與縱然同非 雄按縦慾固傷陰而亢陽亦爍陰知檗瀉腎者瀉腎 火之有餘而保其不足之水也 吐血 /耳谷草弓 日鎭有延余者出其前所

方問 害若欺世徇入止 不復吐嗽亦漸止因涉獵方書試之頗有效以此助館 旧病家縱 即往候之精神强健與昔逈異因述服瓊玉膏後血 上清淡切病之品俾其病勢稍減卽無大功亦不 何人 不足耳余遂導以行醫之要惟存心救人小心 鉞名家年至七十餘而卒瓊王膏爲治血證第 然合法頗難其時不用人參減用參鬚 、所寫則曰張瑞五曰今何在曰卽在館橋 不知我心何忍瑞五深以爲然後其道大 小川消冒冥 一知求利亂投重劑 或有誤無從挽

證含此無有無弊者 庭吳倫宗夫人席翁士俊女也向患血證毎發余以 因他姓延請至山適遇病發邀之診視見余前方謂 勿以爲淺論 此陽虛失血此公自命通博乃陰陽不 薬調之 うつうび 生りこう 相安者數年郡中名醫有與席翁相 錢連服. 也 地打自然汁熬之不用乾地黃治 八劑血 謂以約失之者鮮學者 冒連吐十餘碗 1 辨耶立温

之血 **囘其陽而後補其陰或現種種虛寒之證亦當氣血兼** 大脫之後陰盡而陽無所附肢冷汗出則先用多附 補豈有素體陰虛之人又遇氣升火旺之時偶爾見 絞汁煎膿畧加人參末徐徐進之厯一晝夜盡生地 。諸養陰之品調攝月餘血氣漸復夫血脫補陽乃指 个藏府經絡俱空非可以輕劑冶亟以鮮生地十 知人事手足得展動脣與面紅白稍分更進阿膠 一盡脫脈微目閉面靑脣白奄奄待斃急延余治余 一作沙野菜 優其陽而爍其陰乎此 觔

氣喘不得臥危在旦夕余以阿膠珍七等藥保其陰 嘉興王蔚南久患血證左脇中有氣遊衝喉旁血來 塗說之人 過分其陰陽相和飲食漸進則元氣自復非補劑 助火亦不可多用滋腻以助痰滯胃要知補血之道不 之後方能安臥大凡脫血之後斷不可重用人參升 止其血然後以降火納氣之品止其衝逆復以補血 **灰健脾安胃之方上下分泊始令能臥繼令能食數日** 如佛戊子冬、忽六吐數升面色白而帶靑脈微聲 、聞有此法而不能深思其理誤人不淺也 / THE CALL MINISTER 一消 嚦

即變爲氣血也若以重劑塞其胃口則永無生路矣况 八作消醫等

熱重劑助陽爍陰而速之死乎 姓素有血證是年為 女辦裝過費心力其女方

後純用補血之劑以塡之月餘而起蓋 息邀余診視六脈似有如無血已脫盡急加阿 少和人參以進脈乃漸復目開能言手足 忽血冒升餘昏不知人 八醫者農煎參湯服 人生不外氣 展動然

否則孤陽獨旺而陰愈虧先後主客之分不可 脱 則気 亦脫用人参以接其氣氣稍接即

Ó

辨也 秀東欲自縊其母曰汝有子女之累尙須冀念不如我 局鎮莫秀東患奇病痛始于背達于胸脇書 **常暮乃痛發呼號徹夜鄰里慘聞醫治五年家餈蕩盡** 免聞哀號之聲欲赴水其成憐之引來就醫余日此 非伹姱人 **丽丸之法無所不備其痛漸輕亦漸短** 一留經絡也因謂余子爔曰此怪病也廣求治法以療 (正可造就已之學問因留于家用針灸熨 「阿奚醫素 月而愈釷

推安程春谷素有腸紅證一日更衣忽下血斗餘量 子獨始終相信我之知已也能無處乎 語言無力醫者亦守而不變僅能支持急棹來招至 一錢附子三錢而雜以他藥參附偶閒斷則手足 知人急灌以人参一 感謝不置余日我方欲謝子耳凡病深者須盡我之 而後奏功令人必欲一 腸紅 」其全賴參附以得生之故診其六脈極洪大而 兩附子五錢而甦遂日服人參 劑見效三劑不驗則易他醫 如

求效耳方何必視余用茅草根 理見道之士也謂其諸郎曰爾父于里招徐 徐君慨然力保無虞任之 病 1 駭歎諸 脫血乃亡陰也陽氣旣復即當補陰而更盆其陽 藥數品與參附 可立愈但我方君不可視也春谷日我以命託君 劑手足温三劑起坐不眩然後示之 八請申其說余日血脫扶陽乃 一門舜雪花 紅面 一相反諸戚友俱駭春谷弟風衣 至安得 目不交睫者旬餘矣余 四兩作湯兼清涼 有誤耶服 밀 一時急救之 君信之 以方春 剤是ケ 明

此 能養血凊火用之使平日所服参附之力皆建于 能手足温而臥矣于是始相折服凡治血脫證俱同 血愈虧更有陽亢之病其四肢冷者內經 雄按論治旣明而茅根功用尤為發人所未發 探也不得臥者內經所謂陽勝則不得入于陰陰 血痢 一川 学 医母ラス 八約去血 消

憐之合同萼芳寄膳余 一竅痢! 痢至 子萼芳從余學醫于 愈豐肥 崩 五載大腸之內必生漏管遂 日减飯日增不半年而每食 脈復用開胃之藥以滋其化 / 月実登案 强壯歸至家親戚俱不 不進舉家以為必無生理余友姜 -山中病者卽萼芳妻弟也錫 家朝夕診視余先用滋 以塡補· 飯必六七碗至冬 相識認無 豎 健而能食 補之 品塞其

今遠去病發必死耳余為 嶽州鹽商 林依其親戚過吳江求劑而病稍衰蓋此病本 證 服参 周一數年郡中有洋客請治其室 去病發必死耳余為立長服方且 湖證經 附諸藥而病益劇延余治之處以養血清 問 **汪姓始高終貧其夫人年四十六以憂勞患** インイングロチャ 今已 我即任某 餘强健 ·難除根· 且位 也服先生所 逾昔我 日我 也 越三年夫卒欲 贈 遇先 以應 贈 方薬 子 生 用丸散 而得

愈者 陰 愈耗禍 不外填陰 亦有氣旺血熟過時 瘀血 **播納横決為害至五** 衝 同知借余水利書余往索出 不旋踵矣此 補血之法 而誤殺之 我非告狀欲求神己 洞溪醫矣 . :-極 易治之 知者以温 而 以後天癸 仍有此證者當因時消息 將絕)病而往往不治葢 一熟峻補 介自紀 時 耳其家卽對公 四乙 氣愈 旺 攔

乃給之 往 墨烏主而以消痰鎮心之 粒教以水化灌之非能必其效 尙 中毒火 視病者 新之 日余舟中有神 、已生蓋此乃瘀血、面心 傳余能起 要品醫者苟不預備 = 包三 间生 丹可救因隨之舟中與黑 故泥首哀求余辭之 人相 之爲產後安神定 也隨即歸家後復 厥而不返黑神 而唇目 如蛋 按其 神 7

爛溪飛開于表弟其夫人懐娠患痢晝夜百餘次延余 其血氣耳乃專服余藥孿生二子後詢其得病之故乃 復用淸凉通氣之方消息治之或謂解毒凊火與胎有 衝心舌為心苗故毒聚于舌腫塞滿口則飲食絕矣 害余日不然胎氣旺甚愈凉愈安但熱毒傷陰當茲養 用珠黃、散及解毒輭堅之薬屋涂其、舌腫漸消而納 黑粒米不能下醫者束手延余治余曰此胎中有毒 竹聽邪人之言服不經之藥幾致傷生可爲戒也 子利 ンカリンラとなっと 1

不知也 **這過其門復以產後法消息治之病痊而利亦止盡病** 生產果甚易而母氣大衰虛象百出適余從浙中來使 視余以黃芩湯加減兼養胎藥飲之利遂減飲食得進 有不必治而自愈强求其愈必反致害此類甚多不可 每日尚數十次服藥無效余曰此不必治名曰子利 產後則不愈但旣產恐有變證耳病家不信更延他 雄按此所謂利卽是泄嶌古人名曰利下非今之痢 一方則利必增劇始守余言止服安胎藥少許後 淮湾醫鱼

必顺且 **余聪問故龍友曰我姪婦產二日不下穩婆已** 此大話我收生數十年從未見有如此而 也痢疾古名滞下若胎前久痢不愈產後其能免平 式胎出尚未產勿强之 候族兄龍友坐談之際有老嫗惶遽來日 試胎 在 一生男穩婆聞之微哂作不然之態且曰 | 涸疲極||不能出聲穩婆猶令用力进下余日 日卽在前卷余日試往診之龍友大喜卽同往 ンコマンジューラン)扶令安臥一月後始產產 無放矣 同絕矣 何 無

胎墜下如欲生之象安之即愈不知而以為真產强之 友請申其說日凡胎旺而母有風寒勞碌等感動則 亦半信半疑余乃處以養血安胎之方一飲而胎氣 和全無產意越一月果生一男而產極易衆以爲神 多産左脈甚旺故知男胎此極淺近之理人自不知 足故知不產今日將動其胎將來產時必易脫故 ,則胎漿破而胎不能安矣余診其胎脈甚旺而

等藥余歸而他醫至笑且非之謂自古無產後用石膏 熱復加以剛燥滋膩之品益火塞竅以此死者我見甚 多非石膏則陽明之盛火不解遵仰景法用竹皮石膏 身熱如炭脣燥舌紫仍用前藥余是日偶步田間看菜 屬虛寒之 西濠陸炳若夫 理葢生平未見仲景方也其母素信余立主服之 而甦明日炳若復求診余日更服 炳若之居趨迎求診余日生產血枯火熾又兼風 一說用乾薑熟地冶之且云必無生理汗出 人產後感風熱瘀血 未盡醫者執 劑病巳去矣無 産後 而

其家因平日相信與服明日掌夫告余曰病不可治台 君之兄掌夫余戚也延余治之余日此瘀血凝結非桃 仁等所能下古法有抵當場今一時不及備以唐人法 惟 庸易方如言而愈醫者羣以爲怪不知此乃古人定法 肉桂黃連人參大黃五靈脂成劑下其瘀血羣醫無 州顧某繼室產後惡露不出遂成血臌醫者東于顧 服薑娃則必死 、笑謂寒熱補寫并相犯之藥合而成方此怪人也 産後血療

與 門見者皆有喜色詢之則日先生去之夕病者夢其 大驚而醒 傷汝命今爲某所治余將爲大蛇以殺汝卽變爲上 前夫人 威迫之 水無一 事暫歸隔 見鬼竊飲 可無治矣余往驗之藥本氣味最烈之品嘗之 、 怒 日汝據余之室奪余之 一怪之 懼 故特延僧修懴耳葢前· 而飲是夕下瘀血升餘而腹漸平思食 日復往其門首挂榜燒楮余疑有他故 阿奚醫案 服藥乃 以前方煎成親往飲之病者不肯飲 呼日)財虐余之女余欲 不能食鬼之所 八以產後血廢亡 ZI.

治法學不可不博也 毒消瘀之方應手而愈凡產後停瘀每多外證如此甚 洞庭某婦產後小腹痛甚惡露不止奄奄 整余診之 多不可不知也 愿露如 象余曰此乃子宫受傷腐爛成癰也宜令名手穩婆 之果然遂用緜作條裹入生肌收口之藥而內服解 產後腸癰 如 而醫者治不中病遂致不起葢 此多何以其痛反劇更詢其所行之物又如 1-1-1-1-11 病有一

體無毫孔頭面結聚重疊始終用裝養氣血之品不 急以升麻羌活 鬼欲殺之拽出視之細點如麩余曰此惡痘也色暗紫 知痘證之必死者絕少皆醫以寒凉剋伐之藥誤之 歸夜半呻吟不絕 如缸爿剝去之後非復本來面目見者俱不 **卜惡藥一味二十餘日始結痂焦黑成片大如手** 人们族醫案) 弱冠隨超士往戲館觀劇因 生地等藥煎湯灌之三日而痘形出 至明旦往視則匿於牀下口稱 寒熱作

見此等證必用大黃石膏及惡毒之物虚其裏而增其 結痂也額如覆釜身如樹皮髮連痂脫三年始生時 起之主方而醫者不知也繼以養血解毒補氣之品其 腕適余至日先生亦治痘否余日醫者不肯治之痘則 肌藥飲之三日而痘形顯前醫羣駭吿之以故則又大 隱在肉中余急以升麻羌活湯為主而佐以養血 一履和之女患痘醫者曰此悶痘也五日而斃舉家扼 日升麻羌活等藥豈入痘科不知升麻湯乃痘證初 日巳囘絕矣因八視徧體大熱神昏不語細點如魚

毒五日而死之言必驗病家亦以爲醫者斷期如神孰 精力不充毒發未盡未盡必生痘毒後果臂灣生二毒 告以故余曰姑處以補托之法用地黃歸身黃茋人參 知非其識之高乃其藥之靈也嗚呼慘哉 復爲治之而安 余長孫女種痘點密而色深赤種痘之醫束手余用清 等藥間者咸笑 **氽同學沈冠雲之女痘密黑陷而無漿醫者東手冠雲** 一藥并時合紫雪赤色稍衰將就寢復往視忽變灰 人月奚醫案 服而樂來至明日以參貴停服余日

處百端醫治無效余視之曰此惟大活絡丹能愈服 即用人麥鹿茸等藥托之至三鼓而瘡色復紅形漸高 白色而咬牙余驚曰證變虛寒矣此所謂亢害承制 明理之醫則偏僻固執又方法絕少不能肆應不 仍用清火養广一方而聚成葢病變無常頃刻轉易 屬危險之證醫者當時時消息不可片刻離也但 小兒甫九齡頗聰慧而患流注肩背腰脇十

好因留在家治之開余有不能治之說笑日我醫 絡丹以冶之其餘煎丸皆非正治所謂 無定處所以隨處作患此眞脈絡之 邑劉近曾夫人患虛痰流注色晄脈虛發無定處病 險非旦夕可奏功余辭不能治郡中一 不對證總難取效也 證由風寒八膜所致膜在皮中旁通四 日子シスととしてい 1更服補氣血之)病故古人製 醫以百金

教包好之醫欲加以無禮余曉之曰此病本不治非藥 誤也但不知生死為無目耳乃釋之葢流注之 在頃刻四字劉不信少頃內呼劉父子入巳 招余診近曾出日流注之疾雖向愈而未收口託在 同大段皆津液枯而痰流膜内之證當內外交治 不連氣促脈微診畢而出近曾求方余笑不答書危 張卓舟未 補虚亦另有切病方葉蠻補無益也 一觀石余因視之肩後瘡 、派肖醫集 如錢內膜乾空與 氣絕矣羣

經絡之 真無怕也余用大活絡丹為主而外敷技管生肌之 往視半身幾成枯骨此乃虛痰流注醫者 一理父母先亡只有慈母其伯悉收其田產交契專 一绞徒費重貨而無一中病者則藥之 本所載島頭蚯蚓之活絡丹而 而取之其從兄汪千造余家哀懇会頗憐之 大笑日话絡丹辛暴之藥豈可 《烟溪醫策 、形质 年共服 不知 入口葢 不能治其

研舉世盡然枉死者不知其幾也 內豐肥强健反逾於常嗚呼不知對病施藥徒事**發** 與朱季舫少子嘯虎官性極聰敏年九歲腹痛腳縮 隊而臥背存突出一節晝夜哀號偏延內外科診由 雄按大活絡丹治虚疾流注深爲合法而外科不 也岩質痰則控涎丹最妙, 云損證或云宿食或云發毒當刺突出之骨以出 腸癰 效以後膿稀肉長管退筋舒漸能起立不二年一

痛無恐其夜痛果稍加諸醫聞之譁然日果應我輩之 偕余診視余曰此縮腳腸癰也幸未成膿四日可消聞 言也明早又進和營順氣之劑痛止八九 一其西席茅豈宿力薦余治往登其堂名醫滿座豈宿 謂偶中耳明日進消瘀逐毒丸散謂曰服此又常微 人笑時季舫為灤州牧其夫人孔氏名族之 而能步諸醫以次辭去中有俞姓者儒士 謂雜藥亂投氣血傷矣先和其氣血自得 ノヨリシアを引きい 而腳伸脊平 屯 虚

治余診其脈洪數而滑寒熱無次謂其父日 南濠徐氏女經停數月寒熱減食肌肉消燥 則藏府俱安矣 毒方并丸散卽返山中越二日天未明叩門甚急啟 達環 繼則攻其所聚之 **巳成膿矣必自破破後必有變證宜急治與以外** 出升餘脈微膚冷陽隨陰脫余不及處方急以 跳隱痛微腫醫者或作怯弱或作血痺俱云 云膿巳大潰而人將脫矣卽登其舟 邪安能無痛既乃滋養而通利 [此瘀血 小腹之

跳之下大腿 然也 横涇錢某之 室女停經外證極多而醫者俱不能知至膿成之後 品兼托膿長肉之藥內外兼治兩月而漏口方滿精 漸復月事以時大凡瘀血久留必致成癰產後留瘀 腿癰 施治而外科叉不得其法以致枉死者比此 女素有痞塊從腹入少腹 外臁變成大 液膿水: 淋漓成管管中有飯

視其死耳余曰人參不可長繼祛膿填漏外科自有 「流出者繼乃漸少胃氣亦開肌肉內生數月之後痂 , 也乃爲合治漏之藥內服外敷所服末藥亦有從瘡 興周某ク 寒儉之家服人 臂疽 樂非可以泛治之方圖僥倖也 (好前此從未生育期年懷孕生子凡治病各有對 出填不可解日漸狠狠諸醫束手其父泣而告)子臂生疽經年膿水? 、汇溪醫案 八麥已費百金而毫無效驗唯有立 而

滋甚神思昏迷束手待斃延余視急用圍藥裹住根盤 郡中朱姓患項疽大捅徹心時時出血延醫施治漫腫 **命運不** 藥亦從瘡 粒間有從恒中出者奄奄待斃余為內托 項疽 一血散飲以護心丸痛緩血止神安得寢明日前 同非藥異也彼葢不知圍藥每病各殊耳瘡 故醫謂同 へ可変となりる 口出繼而膿漸减少所出碎骨皆膿結成 金黃散我用無效彼用神驗 正ゴ 外敷所服

進護心丸二粒合毒不內攻又付止血散止其血外 倍瘡口環頸長尺餘陽三寸惟近咽喉處二寸未連而 其方甚多不可不廣求而預備也 何學沈自求喪子憂愁鬱結疽發于項調治無效項三 犯尤尼見血瘡口若大則肌肉難生所以最重圍藥 骨直下之筋未斷血流不止余辭不治堅怨不已先 定乃大托共農兼以消痰開胃之品飲食漸進坐 藥厚途束其根更以珠黃等藥時時敷瘡口上其膏 月而愈凡治癰疽之法在視其人之肥瘠瘦 一川光度日子

養陰爲主而 乃合病家欲備人多觔許以待用余曰無庸也諸 皮肉不能合以生 陰受其害余凡治大證無不神效時人多不之 州章倚文夫人體質本弱平時飲食絕少忽患項 **詹哲屬于火膿** 此從古 數 一同奚醫窓 一寸再以黃茋四 一定之法其用温補乃後世 加開胃健脾之藥人參止 並上膿成 流肉腐皆傷于陰 肌等藥并參末厚塗 肌與腐肉方有界限瘡 凡屬 煎藥服之勢定而 用錢許數 訛傳之 外證總以清 而封之月餘

為改易以炫已能瘡遂散大血出不止痛復甚而神 神昏奄奄 平漫不腫痛輒應心醫者謂大虛之證投以峻補毒伏 解事日圍藥不過金黃散之類無益也去之用藥亦 ,再至大駁詢之乃知其故醫者乃不復生議論于日 痛定而瘡根漸收余暫歸轉託一 用前法膿成食進而後得安葢 **息延余視之余日毒無補** 飲以清凉養血之品托毒于外兼服護心 醫代治醫者强 理瘡口 不高

昏迷余悉拔去糁以珠黄解毒散其痛立除而神安復 **顾肉之惡藥而近日醫者誤以爲必用之品所以痛極** 無圍藥瘡內反有插藥五條乃二 層藥裹住其根使瘡頭高而膿易出或謂七旬之人 龍橋吳時臣年七 對口 一袁宜用温補余曰外證俱屬火苟非現證虛実 《旭溪醫素 一理進淸凉開胃之劑胃氣開則肌肉 餘矣患對1 品品 「痛欲經余視其外 條槍此古方蝕 差

其十之三神亦慚清而思飲食病雖屬陰亦不可用執 如痘者俱出微膿而低耎中聚一頭亦不甚大勢已 且敷藥試之色稍鮮腫亦稍消明晨視之色轉淡紅其 平湖徐棆齋陰毒對口頸項漫腫而色紫有頭如痘者 似有崇其家為述患病之後鬼聲繞屋鬼火不斷余日 調養月餘而愈精神較勝前矣 餘神煩志亂醫者束手就治于余余日此乃陰毒兼 增邪火惟和血通氣使營衞充盈使血中 出則陰邪自退若用熱補則反助壽火而生機益 一點真

洞庭吳姓從徐州經紀返棹背起粟粒深紫色而痛應 論以為熱可禦寒則貽害不小矣 專用桂附以驅之也今之號外科者惟給內科之緒 發背 陰證非若傷寒之陰證爲外感之

家當歸處分家事求借 心周圍肌肉皆不仁知非輕證未至家而就余治余辭 能再三懇求姑用圍藥東之稍定病者謂我尚未到 而復來其瘡不甚大頂微高而堅黑當用刀挑破 一門於齊於 廛如果不治死無餘城歸

焦骨攻藏無生理矣 周莊陸姓疽發背周徑尺餘 露其尖亦腐去急以生肌散填補之內服峻補之劑兩 ,而肉滿皮完此九死一生之證不早爲外東內托 屢變然後膿從四旁出頑葢自落約深半寸脊骨隱 刀頭折乃用金鏃四面刺之以洩毒氣內托外敷 |宜收小若欲加高則根盤如此之大而更加高 沉悶昏迷醫者以平場無頭用桂附托之余曰 藥以洋刀點之洋刀堅利非凡竟不能入用力 ア州治療等 背盡腫頭以百計毒氣

背駅栲栳矣此乃火 加始終用托毒清火之劑而膿成 盈背背中脂膜皆空非塡補裏膜必有他變有庸單 兩個明日知饑欲求肉飯食肉四 病已全愈爲此說者圖厚謝也我力能保之 **一推骨之下大三寸許尚不思飲食惟求食西** 夕而猪頭俱平皮膚亦潤止有· 即死余令縱其所食 コージタででするこ 毒用熱藥必死乃以 月忽舊疤中 口飲余囑 兩飯半碗明 **5** 內連喫大 東根 細眼流 日此疽 《提毒之 如杯高

郡中唐廷發偶過余寓時方暑謂背上昨晚起 **賃之家往往最信此等人可不省察耶** 刀求醫治余日此非明少换方不可我不能久留郡 人俱化成膿從大口出盡庸醫安知治法貪利誤人富 《疑我誤君矣合笑而去明日巳大如酒) 甚痒先生肯一看否余視之駭日此對心發也唐 放血斗餘兩日而卒葢其前 心發 [姑與我藥余日君未信余言] 服藥而毒大 小半層多 背盡腫其中之 脂

故又不明破傷風治法則必無效惟有相視其解而! 貫落中即所謂破傷風也乃從外感治法隨用風樂 樂細詢其僕乃貪涼當風而臥瘡口對風膏藥又落風 其收口前十日忽頭痛身熱神昏譫語增口黑陷六脈 计而解身猄神清澹口復起仍前泊法而痊若不審其 《差余適出門兩日歸而大빯疑為瘡證變重幾無 君復庵咳血不止諸醫以血證治之病益劇 | 余家旦暮易法其中變遷不一,卒至收 〈泗溪醫矣

滋潤之藥以養其血滑降之藥以祛其痰芳香之藥以 甚多集唐人以來治肺癰之法用甘涼之藥以清其火 往診見其吐血滿地細審之中似有膿而腥臭者余日 逾舊幾三十年至乾隆三十年家業日隆因遷居大造 多方饴之君亦始終相信一月而愈葢余平日因此證 此肺癰也膿已成矣金匱云膿成則死然有生者余遂 途中相值邀余視其新居坐談良久辭出見其右額是 而行之屢武必效今治錢君亦兼此數法而痊阻健 其氣更以珠黃之藥解其毒金石之藥塡其空兼數

校去五條嗟乎此乃腐 誤越五日遣人邀余山中往則見其額腫目閉哀號竟 少方悔信余之

不早細視

皮中有物乃

三品 好不可不盡言如五六日病勢增重當來相聞勿爲人 用藥而毒大發則反以為病由藥作故不敢但多年相 **余諦審之曰此毒發于內治之失宜可以傷命非輕疾** 大黑點問之錢對日咋此處生 一錢笑而腹非之余日本當爲君竭力但君未信若一 人相與醫案 一皮內卽骨橫插皮中所以痛極余旣不 爛死肌之惡藥好肉用上其病 一條槍

之口向病家日我輩公怨先生留山中百日必求收功 但須百日耳其家城族皆少年言事聞余言欲塞臺 不治矣延余診之日此非惡證治不如法其尚可愈也 **省廣寒熱不食將成乳鮝內外三科双議無定羣以爲 嗟**来前何相信之深後何不信之至豈非命乎 叉用刀向點頭上寸餘出毒瘡口向上膿尿下连乳囊 東洞庭劉某夫人患乳癤醫者旣不能消散成功之後 **发留叉壤證難治力辭歸山易以他醫面目俱腐而卒** 験也 多方治之至九十日而未見功葢病者柔弱畏痛既不 縛之使膿不能下注外以熱茶壺熨之使藥氣乘熱 傳養之患忽生 而膿盡生肌果百日而全愈後以此法治他 後已如欲歸家備快舟以迎送余初不允繼勉承 **于乳下别出** 服生肌托膿之 一
法
用
築
袋
一 頭而膿水從上 九散於是膿從上泛厚而且多少 個放乳頭之下用帛束 一注下頗難出盡故有 證無不

人形段醫案 乙四

求得生為幸余亦從未見此病姑勉為治之內服不過 濮院沈維德患下疳前陰連根爛盡溕從骨縫中出應 解毒養血之劑而敷藥則每用必痛屢易其方至不 權腎囊中哀號痛楚肛門亦復關深半寸載至余家止

有再長靈根 一兩月後結痂能 **泥裹煨燥合樂付之逾二年忽生** 一方內用胎狗一 一子葢維德頗有家貲應繼 行惟陰莖僅留根耳余偶閱秘 個適余家狗生三子

覬儭之心也其岳徐君密詢之沈曰我服藥後陽道 長生子何疑徐君乃集其族人共驗之陽道果全但 以為奇事今猶有述之以爲異聞者 如有筋而無總皮再期又生一子眾始寂然遠近傳 為末釋服三釐日進四服臥又一服俱以土茯苓半 煅乳石三、蜂琥珀七分珠砂六分人多一錢具珠七 用靈仙首烏大力子蓼草汁煮一晝夜炒如銀色右 附再長盤根方五十月復生效 一一一回答及 一分真水粉五分胎狗一個雄黃六分 ZZ

第胎狗機燥必黑全狗分兩叉必數倍於諸藥同煮 等九味池詳玩文義似宜移右字於用字之上方順 **同炒**不知何以能如銀色是必煨時不合黑也 雄案者一晝夜而炒姐銀色之藥品即上文煅乳石 筋瘤 別一小童背上腫大如獲碗俯不能你羣謂駝疾也 术能治也亦力求焉余質不知其中何物姑以 別光田野

都尙有人詢及者余謝無此事而已存此以識異 審之乃背上之筋所聚也余頗悔輕舉急以舒筋收口 藥塗上數日皮開內爛鴻其內如蚯蚓者盤結數條 丸散外敷內服筋漸散創漸平膚完而身直矣此筋瘤 余俱謝不能此乃幸而偶中古人並無此治法癸未入 雄按洞溪神于外科讀其所評外科正宗等書已 種也関傳以余為能治駝疾從此求治駝者雲集 斑是編列案僅十餘條然各大證治法畧備洵癰 一一一一一一一一一一 上、

補之大妙無則於章末旁註一關字從郭公夏五之 勰 則皆寒暄語可刪耳瘍科選粹 茫然洞溪案僅校出 誤字數處即轉寄吳葆山舍 削過 如覆蔣中堂書與醫案無異似宜附刻與秦司寇書 手民以廣其傳功德不細也內有脫簡弟意得原本 醫學與王君孟英在伯仲之間亦極贊此書手眼 久不報關然於懷承示醫書 绿 刻 許辛木農部 本奉爲鴻寶又校正數字屬轉達左右 札 點確是徐氏手筆

來書謂中多時俗口頭語弟意名醫手筆旣未可輒 可無分也 摘去也原本不分卷亦可仍之葉多則當分葉不滿 與所批正宗相輔而行已過錄珍藏矣 牛溲馬勃止期有用非若佳花美卉有一殘缺便須 此等書取其活人而已不當以詩文例繩之正如藥 此書原本傳寫多誤光婧與錢警石泰吉廣文許辛 **搬農部兩先生商推再四始行付梓茲摘錄農** 又

		見光有於此蓋愼之又愼云海昌蔣光焴附識札如右閼簡已從原本校補此外不敢增損一字以
--	--	--